

Å R S M E L D I N G

for

SOGN OG FJORDANE VILLREINNEMND, 2009

Sogn og Fjordane villreinnemnd har i 2009 bestått av følgjande medlemmar:

Kommune	Navn	Villreinområde
Askvoll	Magne Follevåg	Sunnfjordsfjella
Gaular	Sverre Hestad	Sunnfjordsfjella
Førde	Arnfinn Ringstad	Førdefjella og Sunnfjordsfjella
Jølster	Ragnhild Sæle	Førdefjella, Sunnfjordsfjella og Svartebotn
Gloppen	Harald Kjær	Førdefjella og Svartebotn
Naustdal	Olav Svoen	Førdefjella
Stryn	Astrid D. Raftevold	Svarebotn
Lærdal	Brita Tønjum	Lærdal/Årdal
Årdal	Ole Bjarne Hovland	Lærdal/Årdal og Vest-Jotunheimen
Luster	Astrid Eitrheim Lerum	Vest-Jotunheimen

Møteaktivitet:

Nemnda har hatt eitt plenumsmøte, dette var årsmøtet i Sogndal 30.04.09. Utover dette har nemnda vore representert ved leiar, sekretær og/eller einskildmedlemmar i ulike samanhengar. M.a. deltok sekretæren på seminaret "Villrein og Ferdsel" på Hjerkinn i oktober.

Fortløpende møte og arrangement der nemnda har vore representert:

- 02.03.09 var leiar, Astrid L. på møte til villreinutvalet for Vest-Jotunheimen på Hofslund hotell, Sogndal.
- 27.03.09 var det orienteringsmøte hos fylkesmannen, ved H. Mjelstad, om stoda til villreinstammen i Vest-Jotunheimen. Til stades frå nemnda var Sverre Hestad, Ole Bjarne Hovland og Astrid Lerum.
- 30.04.09 var det årsmøte på Hofslund hotell, Sogndal.
- 05.06.09 var det møte angående sekretariatarbeidet hjå Aurland Naturverkstad i Aurland. Dei som møtte var H. Mjelstad, Ole Bjarne Hovland, Astrid Lerum. Frå AN stilte Siri W. Bøthun.
- 21. og 22.10.09 reiste Hermund Mjelstad, Fylkesmannen og nemndsekretær Siri W. Bøthun på villreinmøte på seminar om inngreps- og forstyrrelsесproblematikk, Hjerkinn

Mykje av sakshandsaminga har gått føre seg gjennom bruk av internett og telefon, noko som sparar tid og ressursar. Nemnda har gjeve 2 skriftlege uttaler. Leiar har fått orientering frå Vest-Jotunheimen villreinutval ang. planar om merking av villrein med gps-sendar.

Høyringar handsama av nemnda i 2009:

- Den 13.03.09 sende leiaren, Astrid L. eit skriv som svar på førespurnad på innspel til besøksstrategi for Jotunheimen nasjonalpark. Det vart send til fylkesmannen i Oppland, Marit Vorkinn.
- Høyringsuttale ang. konsesjonssøknad for utbygging av to småkraftverk med inntak innanfor Svartebotn villreinområde; Sandalsfossen kraftverk og Timbra kraftverk.

Det har i 2009 vore jakt i berre tre av fem villreinområde. Tal kring dette kjem fram av vedlagt notat som oppsummerar status for dei ulike villreinområda.

Utfordringar for forvaltinga av dei 5 villreinområda

Det er en stor utfordring å ta vare på villreinen i høve andre interesser i fjellområda. Dette gjeld særleg utbyggingsinteresser, (spesielt kraft og hyttebygging), og friluftslivsinteresser. Løyvegjeving til motorferdsle i utmark, særleg om vinteren, er eit anna viktig tema der nemnda ser at det ofte ikkje vert teken nok omsyn til villrein i sakshandsaminga. Det er viktig at lokalkunnskap om villreinen sin arealbruk og trekkevegar vert henta inn i høve kvar einskild sak.

Fleire av villreinområda har problem med rekruttering. Kalvetilveksten er liten fleire stader og det er vanskeleg å oppnå målet i driftsplanar/bestandsplanar. I 2009 var det jakt i berre 3 av 5 område, og kalvetilveksten var lågare enn forventa i 3 av 5 område. Det er vanskeleg å forklare årsaka til dette, truleg er det samansette årsaker der både naturgjevne (varierande vintertilhøve, marginale vinterbeite pga. oseant klima, førekommst av rovvilt) og menneskeskapte faktorar (auka forstyrring frå menneskeleg ferdslag og nedbygging av areal, inkl. verdifullt kalvingsland). Dei største problema finn ein i Vest-Jotunheimen, der villreinutvalet no har sett i gong eit omfattande overvakingsprogram, inklusive radiomerking av rein, for å freiste å finne ut meir av årsakene til problema. Me vonar resultata her får overføringsverdi.

Med dette vil vi få takke alle samarbeidspartnarar, spesielt villreinutvala som gjer en god jobb med bestandsplanlegging, dyreregistreringar og gjennomføring av planar.

31.03.2010

Astrid Lerum
- *leiar* -

Siri W. Bøthun
- *sekretær* -